

# Pregled Dokumentata| Broj 13/07

Početna (<http://www.sluzbenilist.ba/>) / Dokumenti (<http://www.sluzbenilist.ba/Docs/>)  
/ Službeni glasnik BiH (<http://www.sluzbenilist.ba/Docs/Drzavni>) / Dokumenti pregled

## Službeni glasnik BiH, broj 13/07

Na osnovu člana 252. tačka 14), a u vezi sa članom 186. stav (10) Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", broj 6/06), ministar komunikacija i prometa Bosne i Hercegovine, u saradnji sa organom nadležnim za unutrašnje poslove, donosi

### PRAVILNIK

#### O NAČINU OBILJEŽAVANJA MOTORNOG VOZILA KOJIM UPRAVLJA OSOBA KOJA PRVI PUT STEKNE VOZAČKU DOZVOLU

##### Član 1.

Ovim Pravilnikom utvrđuje se način obilježavanja motornog vozila kojim upravlja osoba koja prvi put stekne vozačku dozvolu (u daljnjem tekstu: Pravilnik).

##### Član 2.

Motorno vozilo kojim u saobraćaju upravlja osoba koja je prvi put stekla vozačku dozvolu (u daljnjem tekstu: početnik), u trajanju od dvije godine, mora biti označeno posebnim znakom (u daljnjem tekstu: tablica) i obilježeno natpisom, na način predviđen odredbama ovog Pravilnika.

##### Član 3.

(1) Tablica iz člana 2. ovog Pravilnika ima oblik pravougaonika, bijele je boje i na njoj je crvenom bojom ispisano slovo "P" latiničnim pismom, ispod koga se upisuje broj vozačke dozvole početnika.

(2) Tablica je izrađena na magnetnoj podlozi.

##### Član 4.

(1) Dimenzije tablice za motocikle iznose 14 cm x 10 cm.

(2) Dimenzije tablice za ostala motorna vozila iznose 18cm x 16 cm.

(3) Visina slova "P" na tablici za motocikle iznosi 8 cm, a širina 4 cm.

- (4) Visina slova "P" na tablici za ostala motorna vozila iznosi 12 cm, a širina iznosi 10 cm.
- (5) Širina linije kojom je ispisano slovo "P" na tablici za motocikle iznosi 1,5 cm, a za ostala motorna vozila 2 cm.
- (6) Broj vozačke dozvole upisuje se u pravougaonik dimenzija 10 cm x 2 cm.
- (7) Izgled tablice za motocikle dat je u Prilogu broj 1. i čini sastavni dio ovog Pravilnika.
- (8) Izgled tablice za ostala motorna vozila dat je u Prilogu broj 2. i čini sastavni dio ovog Pravilnika.

#### Član 5.

- (1) Tablica na motocikle se postavlja na zadnjoj strani vozila neposredno iznad ili ispod registarske tablice.
- (2) Tablica na ostala motorna vozila se postavlja na zadnjoj strani vozila, i to tako da sredina tablice ne bude udaljena više od 40 cm od lijeve bočne ivice vozila, a visina tablice više od 1 metar od ivice kolovoza.
- (3) Ako početnik upravlja u saobraćaju na putu vozilom koje vuče priključno vozilo, tablica se postavlja na zadnjoj strani priključnog vozila.


#### Član 6.


- (1) Ovaj Pravilnik stupa na snagu osmog dana od dana objavljivanja u "Službenom glasniku BiH".
- (2) Ovaj Pravilnik objavljuje se i u službenim glasilima entiteta i Brčko Distrikta Bosne i Hercegovine.

Broj 01-02-2-328-1/07  
2. februara 2007. godine  
Sarajevo

Ministar  
dr. **Branko Dokić**, s. r.

# Prilog broj 1



**Prilog broj 2**

Hvala što ste naš pretplatnik. Koristite pogodnosti koje dobijate pretplatom.